

摘藻堂四庫全書薈要

集部

欽定四庫全書薈要卷一萬七千五百六十五

集部

御定全唐詩卷一百六十

孟浩然

和張丞相春朝對雪

迎氣當春至

一作立

承恩喜雪來潤從河漢下

一作落

花逼

豔陽開不覩豐年瑞焉

一作安

知燮理才撒鹽如可擬願

糝和羹梅

和張明府登鹿門作

一作山

忽示登高作能寬旅寓情弦歌既多暇山水思微一作彌

清草得

一作色

風光

一作先

動虹因雨氣

一作後

成謬承巴里

和非敢應同聲

和張二自穰縣還途中遇雪

風吹沙海雪漸

一作來

作柳園春宛轉隨香騎輕盈伴玉

人歌疑郢中容態比洛川神今日南歸楚雙飛似入秦

和賈主簿并九日登峴山

楚萬重陽日羣公賞讌來共乘休沐暇同醉菊花杯逸

思高秋發歡情落景催國人咸寡和遙媿洛陽才

望洞庭湖贈張丞相

一作臨  
洞庭

八月湖水平涵虛混太清氣蒸雲夢澤波撼岳陽

一作動

岳陽

城欲濟無舟楫端居恥聖明坐觀徒憐垂釣者一作空

一作徒有羨魚情

贈道士參寥

蜀琴久不弄玉匣細塵生絲脆弦將斷金徽色尚禁知音徒自惜聾俗本相輕不遇鍾期聽誰知鸞鳳聲

京還贈張

一作王維

拂衣何處去

一作去何處

高枕南山南欲徇五斗祿其如七

不堪早朝非晚

一作晏

起束帶異抽簪因向智者說遊魚

思舊潭

題李十四莊兼贈綦毋校書

聞君息陰

一作蔭

地東郭柳林間左右瀍澗水門庭緱氏

山抱琴來取醉垂釣坐乘閒歸客莫相待尋

一作緣

源殊

未還

九日龍沙作寄劉大春虛

龍沙豫章北九日挂帆過風俗因時見湖山發興多客  
中誰送酒權裏自成歌歌竟乘流去滔滔任夕波

寄趙正字

正字芸香閣幽人竹素

一作葉

園經過宛如昨歸臥寂無

喧高鳥能擇木羝羊漫

一作屢

觸藩物情今已見從此一作

徒願一作欲忘一作無言

洞庭湖寄閻九

洞庭秋正濶，余欲泛歸船。莫辨荆吳地，唯餘水共天。渺

瀾江樹沒，合沓海潮

一作湖

連遲爾為舟楫，相將濟巨川。

秦中感秋寄遠上人

一作崔國輔詩

一丘常欲臥，三徑苦無資。北土

一作上

非吾願，東林懷我

師。黃金然桂盡，壯志逐年衰。日

一作旦

夕涼風至，聞蟬但

益悲。

宿永嘉江寄山陰崔少府國輔

我行窮水國，君使入京華。相去日千里，孤帆天一涯。臥

聞海潮至起視江月斜借問同舟客何時到永嘉

上巳洛中寄王九迥

一作王迥十九

卜洛成周地浮杯上巳筵鬪雞寒食下走馬射堂前垂  
柳金堤合平沙翠幙連不知王逸少何處會羣賢

聞襄侍御肱自襄州司戶除豫州司戶因以投

寄

故人荆府

一作河

掾尚有柏臺威移職自樊衍

一作河

芳聲

聞帝畿昔余

一作共子

臥林巷載酒過柴扉松菊無時

一作君



賞鄉園欲懶

一作懶欲歸飛

江上寄山陰崔少府國輔

春堤楊柳發憶與故人期  
草木本無意榮枯自有時  
山陰定遠近江上日相思  
不及蘭亭會一作事空吟袂契詩

夜泊廬江聞故人在東

林有字寺以詩寄之

江路經廬阜松門入虎谿  
聞君尋寂樂清夜宿招提  
石鏡山精怯禪杖一作林怖鴿棲  
一燈如悟道為照客心迷

宿桐廬江寄廣陵舊遊

山暝聞一作聽猿愁滄江急夜流風鳴兩岸葉月照一孤

舟建德非吾土維揚憶舊遊還將兩一作數行淚遙寄海

西頭

南還舟中寄袁太祝

沿泝非便習風波厭苦辛忽聞遷谷鳥來報五一作武陵

春嶺北回征帆一作權巴東問故人桃花一作花源何處是一作

在何處遊子正迷津

東陂遇雨率爾貽謝南池

田家春事起丁壯就東陂殷殷雷聲作  
森森雨足垂海虹晴始見河柳潤初移  
予意在耕鑿因君問土宜

一作問君

田事宜

### 行至汝墳寄盧徵君

行乏憇予駕依然見汝墳洛川方罷雪  
嵩嶂有殘雲曳

曳半空裏明明

一作溶溶

五色分聊題一時興因寄盧徵君

### 寄天台道士

海上求仙客三山望幾時焚香宿華頂  
哀露采靈芝屢

躡一作踐莓苔滑將尋汗漫期倘因松子去長與世人辭

唐城館中早發寄楊使君

犯霜驅曉駕數里見唐城旅館歸心逼荒村客思盈訪  
人留後信策蹇赴前程欲識離魂斷長空聽雁聲

澗南卽事貽皎上人

弊廬在郭外素產惟田園左右林野曠不聞朝一作城市

喧釣竿垂北澗樵唱入南軒書取幽棲事將尋靜者論

一作

言

重酬李少府見贈

養疾衡簷

一作茅

下由來浩氣真五行將禁火十步任

一作

想又作枉

尋春致敬惟桑梓邀歡即主

一作故

人回

一作還

看後

彫色青翠有松筠

九日懷襄陽

題上一有途中二字

去國似已

一作

如昨倏然

一作馬

經杪秋岷山不可

一作望不

見

風景令人愁誰采籬下菊應閒池上樓宜城多美酒

一作

名善醞歸與葛疆遊

初出關旅亭夜坐懷王大校書

向夕槐煙起，蔥蘢池館曛。  
客中無偶坐，關外惜離羣。  
燭至螢光滅，荷枯雨滴聞。  
永懷芸一作蓬閣友，寂寞滯揚雲。

人日登南陽驛門亭子懷漢川諸友

朝來登陟處，不似豔陽時。  
異縣殊風物，羈懷多所思。  
剪花驚歲早，看柳訝春遲。  
未有南飛雁，裁書一作衣欲寄誰。

早寒江上有懷

一作江上思歸

木落雁南

初一作

度北風江上寒，我家裏

一作湘江又作江

水上

一作

曲遙隔楚雲

一作山

端鄉淚客中盡孤

一作歸

帆天際

一作外

看迷津欲有問平海夕漫漫

閒園懷蘇子

林園雖少事幽獨自多違向夕開簾坐庭陰落景

一作葉落

微鳥過

一作從

煙樹宿螢傍水軒飛感念同懷子京華去

不歸

同盧明府餞張郎中除義王府司馬海園作

就張

園作題下一無  
海園作三字

上國山

一作星

河列

一作裂

賢王邸

一作甲

第開故人分職去

潘令寵行來冠蓋趨梁苑江湘

一作山

失楚材豫愁軒騎

動賓客散池臺

送張子容進士赴舉

一作赴進士舉

夕曛山照滅送客出柴門惆悵野中別殷勤岐路

一作醉後

言茂林予偃息喬木爾飛翻無使谷風誚須令友道存

送張參明經舉兼向涇州覲省

十五綵衣年承歡慈

一作戀

母前孝廉因歲貢懷橘向秦



川四座推文舉中郎許仲宣泛舟江上別誰不仰神仙

送張祥之房陵

我家南渡頭慣習野人舟日夕弄清淺林湍逆上流山

河一作鄆陵據形勝天地生豪酋君意在利往一作涉知音期

自一作暗投一作暝

送吳宣從事

一作送蘓六從軍

才有幕中士一作畫寧一作而無塞上勳漢兵將滅虜王祭

始從軍旌旆邊庭去山川地脈分平生一七首感激贈

夫君

送桓子之郢成禮

聞君馳綵騎躡蹠指南荆

一作荆衡

為結潘楊好言過鄢郢

城標梅詩有贈羔雁禮將行今夜神仙女應來感夢情

留別王侍御維

寂寂竟何待朝朝空自歸欲尋芳草去惜與故人違當  
路誰相假知音世所稀祇應守索一作寂寞還掩故園扉

早春潤州送從弟還鄉

兄弟遊吳國庭闈戀楚關已多新歲感一作改更餞白晝

還歸泛西江水離筵北固山鄉園欲有贈梅柳著一作看

先攀

峴山餞

一作贈

房瑄崔宗之

貴賤平生隔軒車是日來青陽一靚止雲路一作霧豁然

開祖道衣冠列分亭驛騎催方期九日聚還待二星回

送謝錄事之越

清旦江天迴涼風西北吹白雲向吳會征帆亦相隨想

到耶溪日應探禹穴竒仙書倘相示予在此

一作北

山陞

洛中送奚三還揚州

水國無邊際舟行共

一作興

使

一作便

風羨君從此去朝夕

見鄉中予亦離家久南歸恨不同音書若有問江上會相逢

送告八從軍

男兒一片氣何必五車書好勇方過我多才便起予運籌將入幕養拙就閒居正待功名遂從君繼兩踈

送元公之鄂渚尋觀主張驂鸞

桃花春水漲之子忽乘流峴首辭

一作蛟浦江中

一作邊

問鶴樓贈君青竹杖送爾白蘋洲應是神仙子

一作輩

相

期

一作逢

汗漫遊

送王五昆季省覲

公子戀庭闈勞歌涉海涯

一作沂

水乘舟楫去親望老萊

歸斜日催烏鳥清江照綵衣平生急難意遙仰鵲鷁飛

送崔暹

一作暹

一作易

片玉來誇楚治中作主人江山增潤色詞賦動陽春別  
館當虛敞離情任吐伸因聲兩京舊誰念臥漳濱

送盧少府使入秦

楚關望秦國相去千里餘州縣勤王事山河轉使車祖  
筵江上列離恨別前書願及芳年賞嬌鶯二月初

送袁十一一有嶺南尋弟

早聞牛渚詠今見鵲鷁心羽翼嗟零落悲鳴別故林蒼  
梧白雲遠煙水洞庭深萬里獨飛去南風遲爾音

永嘉別張子容

舊國余歸楚新年子北征  
挂帆愁海路分手戀朋情  
日夕故園意汀洲春草生  
何時一杯酒重與季鷹傾

東京留別諸公

一題作京還  
別新豐諸友

吾道昧所適驅車還向東  
主人開舊館留客醉新豐  
樹繞溫泉綠塵遮晚一作曉  
日紅拂衣從此去高步躡華嵩

送袁太祝尉豫章

何幸遇休明觀光來上京  
相逢武陵客獨送豫章行  
隨

牒牽黃綬離羣會墨鄉江南佳麗地山水舊難名

都下送辛大之鄂

南國辛居士言歸舊竹林未逢調鼎用徒有濟川心予  
亦忘機者田園在漢陰因君故鄉去遙一作還寄式微吟

送席大

惜爾懷其實迷邦倦客遊江山歷全楚河洛越成周道  
路疲千里鄉園老一丘知君命不偶同病亦同憂

送賈昇主簿之荆府



奉使推能者勤王不暫閒觀風隨按察乘騎度荆關送  
別登何處開筵舊峴山征軒明日遠空望郢門間

送王大校書

導漾自嶓冢東流為漢川維桑君有意解纜我開筵雲  
雨從茲別林端意渺然尺書能不恡時望鯉魚傳

遊江西留別富陽裴劉二少府

一題作浙江西  
上留別裴劉二

少府

西上游

一作浙

江西臨流恨

一作愠

解攜千山疊成嶂萬水

瀉一作整合為溪石淺流難泝一作注藤長險易躋誰憐問津

者一作客歲晏此中迷

廣陵別薛八

一題作送友東歸

士有不得志棲棲吳楚間廣陵相遇罷彭蠡泛舟還檣  
出江中樹波連海上山風帆明日遠何處更追攀

送洗然弟進士舉

獻策金門去承懽綵服違以吾一日長念爾聚星稀昏  
定須溫席寒多未授衣桂枝如已擢早逐雁南飛

崔明府宅夜觀妓

白日旣云暮朱顏亦已酡  
畫堂初點燭金幌半垂羅  
長袖平陽曲新聲子夜歌  
從來慣留客茲夕為誰多

同盧明府早秋宴張郎中海亭

側聽弦歌宰文書遊夏徒  
故園欣賞竹為邑幸來蘇  
華省曾聯事仙舟復與俱  
欲知臨泛久荷露漸成珠

盧明府早秋宴張郎中海園即事得秋字

一作  
盧象

詩

邑有弦歌宰翔鸞狎野一作鷗眷言華省舊暫拂一作滯

海池遊鬱島藏深竹前溪對舞樓更聞書卽事雲物是

清秋

宴祭二山池

一題作宴祭山人池亭

甲第開金穴

一作金張宅

祭期樂自多櫪嘶支遁馬池養右

軍鵝竹引攜

一作嵇

琴入花邀載酒

一作戴客

過山公來取醉

時唱接羅歌

夏日與崔二十一同集衛明府宅

一作宴衛明府宅過北使

言避一時暑池亭五月開喜逢金馬客同飲玉人杯舞  
鶴乘軒至遊魚擁釣來座中殊未起簫管莫相催

清明日宴梅

一作張

道士房

林臥愁春盡開軒

一作  
寒帷

覽物華忽逢青鳥使邀入

一作  
我

赤松家丹竈初開火仙桃正落

一作  
發

花童顏若可駐何

惜醉流霞

寒夜張明府宅宴

瑞雪初盈尺寒宵始半更列筵邀酒伴刻燭限詩成香

炭金爐煖嬌弦玉指清醉來方欲臥不覺曉雞鳴

未二句一

作厭厭不覺醉  
歸路曉霞生

### 宴張別駕新齋

世業傳珪組江城佐股肱高齋徵學問虛薄濫先登  
講論陪諸子文章得舊朋士元多賞激衰病恨無能

### 與諸子登峴山

人事有代謝往來成古今江山留勝跡我輩復登臨  
水落魚梁淺天寒夢澤深羊公碑字一作尚在讀罷淚沾襟

與杭州薛司戶登樟一作梓亭樓作

水樓一登眺

一作望

半出青林高帝幕英僚敞芳筵下客

叨山藏伯禹穴城壓伍胥濤今日觀溟漲垂綸學

一作欲

釣鰲

尋天台山

吾友愛

一作愛

太乙子餐霞臥赤城欲尋華頂去不憚惡溪

名歇馬憑雲宿揚帆截海行高高翠微裏遙見石梁橫

同曹三御史行泛湖歸越

秋入詩人意興一作巴歌和者稀  
泛湖同逸旅一作泊吟會

是思歸白簡徒推薦  
滄洲已拂衣  
杳冥雲外一作海去誰

不羨鴻飛

晚泊浚陽望廬山

挂席幾千里  
名山都未逢  
泊舟浚陽郭  
始見香爐峰  
嘗讀遠公傳  
永懷塵外蹤  
東林精舍近  
日暮但聞鐘

陪張丞相登嵩陽樓

獨步人何在  
嵩陽有故樓  
歲寒問耆舊  
行縣擁諸侯  
林



一作  
決 莽北彌望沮漳東會流客中遇知己無復越鄉憂

武陵泛舟

武陵川路狹前權入花林莫測幽源裏仙家信幾深水  
回青嶂合雲度綠溪陰坐聽閒猿嘯彌清塵外心

與顏錢塘登障樓

一作樟亭望潮作

百里聞雷震鳴弦暫輟彈府中連騎出江上待潮觀照  
日秋雲

一作空

迴浮天

一作雲

渤澥寬驚濤來似雪一座凜

生寒

姚開府山池

主人新邸第相國舊池臺  
館是招賢闢樓因教舞開軒  
車人已散簫管鳳初來  
今日龍門下誰知文舉才

夏日浮舟過陳大水亭

一作浮舟過  
滕逸人別業

水亭涼氣多閒櫂晚來過  
澗影見松一作藤竹潭香聞艾

荷野童扶醉舞山鳥助一作笑酣歌幽賞未云徧  
煙光一作

花柰夕何

與白明府遊江

故人來自遠邑宰復初臨執手恨為別同舟無異心沿  
洄洲渚趣演漾弦歌音誰識一作躬耕者年年梁甫吟

遊鳳林寺西嶺

共喜年華好來遊水石間煙容開遠樹春色滿幽山壺  
酒朋情洽琴歌野興閒莫愁歸路暝招月伴人還

秋日陪

一作和題上  
無秋日二字

李侍御渡松滋江

南紀西江潤皇華御史雄截流寧假楫挂席自生風僚  
寀爭攀鷁魚龍亦避驄坐聽一作白雲唱翻入櫂歌中

陪獨孤使君同與蕭員外證登萬山亭

萬山青嶂曲千騎使君遊  
神女鳴環佩仙郎接獻酬  
遍觀雲夢野自愛江城樓  
何必東南守空傳沈隱侯

秋登張明府海亭

海亭秋日望委曲見江山  
染翰聊題壁傾壺一解顏  
歌一作逢彭澤令歸賞故園  
問予亦將琴史棲遲共取閒

臨渙裴明府席遇張十一房六

一題作臨渙裴贊席遇張十六

河縣柳林邊河橋晚泊船  
文叨才子會官喜故人連  
一作

憐笑語同今夕輕肥異往年晨風理歸

一作征

權吳楚各

依然

### 梅道士水亭

傲吏非凡吏名流即道流隱居不可見高論莫能酬  
水接仙源近山藏鬼谷幽再來迷處所花下問漁舟

### 遊景空

一作光

### 寺蘭若

龍象經行處山腰度石關屢迷青嶂合時愛綠蘿間  
宴息花林下高談竹嶼間寥寥隔塵事疑是入雞山

陪李侍御訪聰上人禪居

一作陪柏臺友訪聰上人

欣逢柏臺友

一作舊

共謁聰公禪石室無人到繩牀見席

眠陰崖常抱雪枯澗為生泉出處雖云異同歡在法筵  
遊精思觀回王白雲在後

出谷未停午到

一作至

家日已曛回瞻下山

一作山下路但見

牛羊羣樵子暗相失草蟲寒不聞衡門猶未掩佇立望

一作待夫君

夏日辨玉法師茅齋

夏日茅齋裏無風坐亦涼竹林深

一作新

筍穢

一作穢

藤架

引梢長燕覓巢窠處蜂來造蜜房物華皆可翫花藥四

時芳

與張折衝遊耆闍寺

釋子彌天秀將軍武庫才橫行塞北盡獨步漢南來貝

葉傳金口山樓

一作櫻

作賦閑因君振嘉藻江楚氣雄哉

遊精思題觀主山房

誤入桃源裏初憐竹徑深方知仙子宅未有世人尋舞

鶴過閒砌飛猿嘯密林漸通玄妙理深得坐忘心

宿立公房

支遁初求道深公笑買山何如石巖趣自入戶庭間苔  
澗春泉滿蘿軒夜月閒能令許玄度吟臥不知還

尋陳

一作滕

逸人故居

人事一朝盡荒蕪三徑休始聞漳浦臥奄作岱宗遊池

水猶含

一作涵

墨風

一作山

雲已落秋今宵

一作朝

泉壑裏何

處覓藏舟



尋梅道士

一作尋梅道士張山人

彭澤先生柳山陰道士鵝我來從所好停策漢陰

一作夏雲

多重以觀

一作窺

魚樂因之鼓柷歌崔徐迹未朽千載揖

清波

陪姚使君題惠上人房

題下一有得青字三字

帶雪梅初煖含煙柳尚青來窺童子偈得聽法王經會  
理知無我觀空厭有形迷心應覺悟客思未

一作不

遑寧

晚春題遠上人南亭

給園支遁隱虛寂養身

一作間

和春晚羣木秀

一作關

關

黃鳥歌林棲居士竹池養右軍鵝

一作花

月北窻下清

風期再過

題大禹寺義公禪房

義公習禪處

一作寂

結構

一作宇

依空林戶外一峰秀塔前

羣

一作衆

壑深夕陽連

一作照

雨足空翠落庭陰看取蓮花

淨應

一作方

知不染心

尋白鶴巖張子容

一作顏

隱居

白鶴青巖半幽人有隱一作舊居階庭空水石林壑罷樵

漁歲月青松老風霜苦竹疎一作餘覩茲懷舊業回一作杖一作

作攜策返吾廬

題融公蘭若一作題容山主蘭若

精舍買金開一作地流泉遶砌回艾荷薰講席松柏映一作

繞香臺法雨晴飛一作霏去天花晝下來談玄殊未已一作

一乘談未了歸騎夕陽催

過景空一作光寺故融公蘭若一題作過潛上人舊房一作悼正弘

師禪

池上青蓮宇林間白馬泉故人成異物過客一作獨潛

然既禮新松塔還尋舊石筵平生竹如意猶挂草堂前

題憶一作張野一作逸人園廬

與君園廬竝微尚頗亦同耕釣方自逸壺觴趣不空門  
無俗士駕人有上皇風何處一作先賢傳惟稱龐德公

李少府與楊一作王九再來

弱歲早登龍今來喜再逢如何春月柳猶憶歲寒松煙

火臨寒食笙歌達一作咽曙鐘喧喧鬪雞道行樂羨朋從

尋張五回夜園作一無下四字

聞就龐公隱移居近洞一作湖興來林是竹歸臥谷名

愚挂席樵風便開軒琴月孤歲寒何用賞霜落故園蕪

襄司士一作員司戶見尋一題作襄司士見訪

府僚能枉駕一作顧家醞復新開落日池上酌清風松下

來厨人具雞黍穉子摘楊梅誰道山公醉猶能騎馬回

春中喜王九相尋一題作晚春

二月湖水清家家春鳥鳴  
林花掃更落徑草踏還生  
酒伴來相命開尊共解醒  
當杯已入手歌妓莫停聲

李氏園林臥疾

我愛陶家趣園林無俗情  
春雷百卉坼寒食四鄰清  
伏枕嗟公幹歸山一作田  
羨子平年年白社客空滯洛陽城

過故人莊

故人具雞黍邀我至田家  
綠樹村邊合青山郭外斜  
開筵面場圃把酒話桑麻  
待到重陽日還來就菊花

張七及辛大見尋南亭醉作一作張七及辛大見訪

山公能飲酒居士好彈箏  
世外交初得林中契已并  
納涼風颯至逃暑日將傾  
便就南亭裏餘尊惜解醒

歲暮歸南山一題作歸故園作一作歸終南山

北闕休上書南山歸敝廬  
不才明主棄多一作臥病故人

疎白髮催年老一作去青陽逼歲除  
永懷愁不寐一作寢松

月夜窻一作堂虛

南山下與老圃期種瓜

樵牧南山近林間北郭賒先人留素業老圃作鄰家不  
種千株橘惟資五色瓜邵平能就我開徑剪一作蓬麻

沂江至武昌

家本洞湖一作庭上歲時歸思催客心徒欲速江路苦遭

回殘凍因風解新正度一作梅變臘開行看武昌柳髮鬢映

樓臺

舟中曉望一作晚

挂席東南望青山水國遙舳舻爭利涉來往接一作任風



潮問我今何去

一作適

天台訪石橋坐看霞色曉

一作晚

疑

是赤城標

自洛之越

皇皇三十載書劍兩無成  
山水尋吳越風塵厭洛京  
扁

舟泛湖海長揖謝公卿  
且樂杯中物

一作酒

誰論世上名

途中遇晴

已失巴

一作武

陵雨

一作五陵道

已失

猶逢蜀坂泥天開斜景遍

山出晚雲低餘濕猶霑草  
殘流尚入溪今宵有明月鄉

思遠悽悽

歸至郢中

遠遊經海嶠返櫂歸山阿日夕見喬木鄉關一作在一作

成伐柯愁隨江路盡喜一作入郢門多左右看桑土依

然即匪他

夕次蔡陽館

日暮馬行疾城荒人住稀聽歌知一作近楚投館忽如

歸魯堰田疇廣章陵氣色微明朝拜嘉一作慶須著老

萊衣

他鄉七夕

他鄉逢七夕，旅館益羈愁。不見穿鍼婦，空懷故國樓。緒

風初減，熱新月始臨。

一作登

秋誰忍窺河漢，迢迢問

一作望

斗牛

夜泊牛渚，趁薛八船不及

星羅牛渚夕，風退鷁舟遲。浦溆嘗同宿，煙波忽間之。榜

歌空裏失船火，望中疑明發。泛潮

一作湖

海茫茫，何處期

曉入南山

瘴氣曉氛氳南山復

一作沒

水雲鯤飛今始見鳥墮舊來

聞地接長沙近江從汨渚分賈生曾弔屈予亦痛斯文

夜渡湘水

一作崔國輔詩

客舟

一作行

貪利涉閤

一作夜

裏渡湘川露氣聞芳杜歌聲

識采

一作暗

蓮榜人投岸火漁子宿潭煙行侶時

一作遙

相

問尋

一作泮

陽何處邊

赴京途中遇雪

迢遞秦京道蒼茫歲暮天窮陰連晦朔積雪滿一作山遍

川落雁迷沙渚饑鳥集一作噪野田客愁空佇立不見有

人煙

途次一作落日望鄉

客行愁落日鄉思重相催況在他山外天寒夕鳥來雪

深迷郢路雲暗失陽臺可歎悽惶一作栖遲子高一作狂歌

誰為媒

永嘉上浦館逢張八子容一題作永嘉浦逢張子容客卿

逆旅相逢處江村日暮時衆山遙對酒孤嶼共題詩解

宇鄰蛟室人煙接島夷鄉園

一作關

萬餘里失路一相悲

宿武陽

一作陵

即事

一作宿武陽川

川暗夕陽盡孤舟泊岸初嶺猿相叫嘯潭嶂

一作影

似空

虛就枕滅明燭扣舷聞夜漁雞鳴問何處人物是秦餘

### 渡揚子江

桂檝

一作掛席

中流望京江

一作空波

兩畔明林開揚子驛山出

潤州城海盡邊陰靜江寒朔吹生更聞楓葉下浙瀝度

秋聲

田家元日

昨夜斗回北今朝歲起東我年已強仕無祿尚憂

一作惟尚

農桑野就耕父

一作野老就耕去

荷鋤隨牧童田家占氣候共

說此年豐

九日得新字

初九

一作九日

未成旬重陽即此晨登高聞古

一作尋故事

載酒

訪幽人落帽恣歡飲授衣同試新茱萸正可佩折取寄

情親

除夜樂城逢張少府

雲海泛

一作訪

甌閩風潮

一作濤

泊島濱何知歲除夜得見

故鄉親子是乘槎客予為失路人平生復能幾一別十

餘春

歲除夜會樂城張少府宅

疇昔通家好相知

一作思

無間然續明催畫燭守歲接長

筵舊曲梅花唱新正柏酒傳客行隨處樂不見度年年



寒夜

閨夕綺窻閉佳人罷縫衣理琴開寶匣就枕臥重

一作羅

幃夜久燈花落薰籠香氣微錦衾重自煖遮莫曉霜飛  
賦得盈盈樓上女

夫婿久離別青樓空望歸妝成卷簾坐愁思嬾縫衣燕  
子家家入楊花處處飛空牀難獨守誰為報

一作解

金徽

春意

一題作春怨

佳人能畫眉妝罷出簾帷照水空自愛折花將遺誰春

情多豔逸春意倍相思愁心極楊柳一種亂如絲

閨情

一別隔炎涼君衣忘短長裁縫無處等以意忖情量畏  
瘦疑傷窄防寒更厚裝半啼封裏了知欲寄誰將

美人分香

豔色本傾城分香更有情髻鬟垂欲解眉黛拂能輕舞  
學平陽態歌翻子夜聲春風狹斜道含笑待逢迎

傷峴山雲表觀主

少小學書劒秦吳多歲年歸來一登眺陵谷尚依然豈  
意餐霞客湊一作忽隨朝露先因之問閭里把臂幾人全

題梧州陳司馬山齋

一作宋之問詩

南國無霜霰連年對物華青林暗換葉紅藥亦開花春  
去無山鳥秋來見海槎流芳雖可悅會自泣長沙

歲除夜有懷

一題作除夜

迢遞三巴路羈危萬里身亂山殘雪夜孤燭異鄉人漸  
與骨肉遠轉於奴僕親那堪正飄泊來日歲華新

登安陽城樓

縣城南面漢江流江漲

嶂一作

開成南雍州才子乘春來

騁望羣公暇日坐銷憂樓臺晚映青山郭羅綺晴驕一作  
嬌  
綠水洲向夕波搖明月動更疑神女弄珠遊

登萬歲樓

萬歲樓頭望故鄉獨令鄉思更茫茫天寒雁度堪垂淚

日一作月落猿啼欲斷腸曲引古堤臨凍浦斜分遠岸近

枯楊今朝偶見同袍友却喜家書寄八行

除夜有懷

五更鐘漏欲相催，四氣推遷往復回。  
帳裏殘燈纔去

一作

猶有 燭爐中香氣盡成灰，漸看春逼芙蓉枕。  
頓覺寒銷竹

葉杯，守歲家家應未臥，相思那得夢魂來。

春情

一作晴

青樓曉日

色

一作

珠簾映紅粉，春妝寶鏡催。  
已厭交歡憐

枕席相將遊戲繞池臺，坐時衣帶縈纖草。  
行即帚裾掃落梅，更道明朝不當作相期，共鬪管弦來。

長安早春

一作張  
子容詩

關戍

一作  
開國

惟東井

一作  
漢

城池起北辰  
咸歌太平日  
共樂

建寅春雪盡  
黃山樹冰開  
黑水濱  
草迎金埒馬  
花伴玉

樓人鴻漸看  
無數鶯歌聽  
欲頻何當遂  
榮一作  
桂枝擢歸及

柳條新

荆門上張丞相

共理分荆國  
招賢媿楚材  
召南風更闡  
丞相閣還開  
覲  
止欣眷睫沈  
淪拔草萊  
坐登徐孺榻  
頻接李膺杯  
始慰

蟬鳴柳

稻一作

俄看雪間梅四時年籥盡千里客程催日

下瞻歸翼沙邊厭曝鮓佇聞宣室召星象列三台

一作復中

台

陪張丞相登荊城樓因寄荊州

一作蘇臺

張使君及

浪泊戎主劉家

薊門天北畔銅柱日南端出守聲彌遠投荒法未寬側  
身聊倚望攜手莫同歡白璧無瑕玷青松有歲寒府中  
丞相閣江上使君灘興盡回舟去方知行

一作茲

路難

陪張丞相祠紫蓋山途經玉泉寺

望秩宣王命齋心待漏行青衿列曹子從事有參鄉五  
馬尋歸路雙林指化城聞鐘度門近照瞻玉泉清卓蓋  
依松憩緇徒擁錫迎天宮上兜率沙界豁迷明欲就終  
焉志恭一作先聞智者名人隨逝水没一作歎波一作山逐覆  
舟傾想像若在眼周流空復情謝公還欲臥誰與濟蒼  
生

陪張丞相自松滋江東泊渚宮



放溜下松滋登舟命檝師詎一作寧忘經濟日不憚沍寒

時洗憤豈獨古濯纓良在茲政成人自理機息鳥無疑

雲物凝一作吟孤嶼江山辨四維晚來風稍急一作緊冬至

日行遲獵響驚雲夢漁歌激楚辭渚宮何處是川暝欲

安之

和張一作趙判官登萬山亭因贈洪府都督韓

公

韓公是一作美襄士一作土日賞城西岑結構意不淺巖潭

趣轉

一作亦

深皇華一動詠荆國幾謠

一作盛

謳吟舊徑蘭勿

剪新堤柳欲陰砌傍餘怪石沙上有閒禽自牧豫章郡  
空瞻楓樹林因聲寄流水善聽在知音者舊眇不接崔  
徐無處尋物情多貴遠賢俊豈無一作遙今遲爾長江暮  
澄清一洗心

和宋太史

一作大使

北樓新亭

返耕意未遂日夕登城隅誰道

一作謂

山林近坐為符竹

拘麗譙非改作軒檻是新圖遠水自蟠冢長雲吞具區

願隨

一作

江燕賀羞逐府僚趨欲識狂歌者

一作

丘園

一豎儒

贈蕭少府

上德如流

一作

水安仁道若山聞君秉高節而得奉清

顏鴻漸昇儀羽牛刀列下班處腴能不潤居劇體常閒

去詐

一作

人無諂除邪吏息姦欲知清與潔明月照

一作

在澄灣

秦中苦雨思歸贈袁左丞賀侍郎

苦一作學三十載閉門江漢陰用賢遭聖日一作明敬

逢聖代

羈旅屬秋霖豈直昏墊苦亦為權勢沈二毛催白髮百

鎰罄黃金淚憶峴山墮愁懷湘水深謝公積憤懣莊烏

空謠吟躍馬非吾事狎鷗宜一作真我心寄言當路者去

矣北山岑

同張明府碧溪贈答

別業聞新製同聲和者多還看碧溪答不羨綠珠歌自

有陽臺女朝朝拾翠過綺筵一作舞庭鋪錦繡妝牖閉藤蘿

秩滿休閒日春餘景氣一作色和仙鳧能作伴羅襪共凌

波曲一作別島尋花藥回潭折艾荷更憐斜日照紅粉豔

青娥

久滯越中貽謝南池會稽賀少府

陳平無產業尼父倦東西負郭昔云翳問津今亦一作已

迷未能忘魏闕空此滯秦稽兩見夏雲起再聞春鳥啼

懷仙梅福市訪舊若耶溪聖主賢為寶君一作卿何隱遯

棲

送韓使君除洪州都曹

韓公父常為襄州使

述職撫荆衡分符襲寵榮往來看擁傳前後賴專城勿

翦棠猶在波澄水更清重推江漢理旋改豫章行召父

多遺愛羊公有令名衣冠列祖道耆舊擁前旌

一作程峴

首晨風送

一作接

江陵夜火迎無才慙孺子千里媿同聲

送莫甥兼諸昆弟從韓司馬入西軍

念爾習詩禮未曾違

一作常離

戶庭平生早偏露

一作嚴君先早露

萬里更飄零坐棄三牲養

一作冬業

行觀八陣形飾裝辭故

里謀策赴邊庭壯志吞鴻鵠遙心伴鶴鷓所從文且一作  
與武不戰自應寧

峴山送蕭員外之荊州

峴山江岸曲郢水郭門前自古登臨處非今獨黯然亭

樓明落照

一作日

井邑秀通川澗竹生幽興林風入管絃

再飛鵬激水一舉鶴冲天佇立三荆使看君駟馬旋

送王昌齡之嶺南

洞庭去遠近楓葉早驚

一作經

秋峴首羊公愛長沙賈誼

愁土毛

風一作

無縞紵鄉味有槎

一作查

頭已抱沈痼

一作病

疾更貽魑魅憂數年同筆硯茲夕間

一作異

衾裯意氣今

何在相思望斗牛

峴山送張去非遊巴東

一題作峴山亭送朱大

峴山南郭外送別每登臨沙岸江村近松

一作村

門山寺

深一言予有贈三峽爾將

一作相

尋祖席宜城酒征途雲

夢林蹉跎遊子意眷戀故人心去矣勿淹滯巴東

一作江

猿夜吟



奉先張明府休沐還鄉海亭宴集

探得塔字

自君理畿甸予亦經江淮  
萬里書信斷數年雲雨乖  
歸來休澣日始得賞心諧  
朱紱恩雖重滄洲趣每懷  
樹低新舞閣山對舊書齋  
何以發秋興陰蟲鳴夜堦

宴張記室宅

甲第金張館門庭車

一作軒

騎多家封漢陽郡文會楚材

過曲島浮觴酌前山入詠歌  
妓堂花映發書閣柳逶迤

玉指彈箏柱金泥飾舞羅寧

一作誰

知書劔者歲月獨蹉

陀

宴崔明府宅夜觀妓

畫堂

一作書室

觀妙妓長夜正留賓燭吐蓮花豔妝成桃李

春髻鬟低舞席衫袖掩歌脣汗濕偏宜粉羅輕詎著身  
調移箏柱促歡會酒杯頻倘使曹王見應嫌洛浦神

盧明府九日峴山宴表

一作馬

使君張郎中崔員

外

宇宙誰開闢江山此鬱盤登臨今古用風俗歲時觀地

理荆州分天涯楚塞寬百城今刺史華省舊郎官共美  
重陽節俱懷落帽歡酒邀彭澤載琴輟武城彈獻壽先  
浮菊尋幽或藉蘭煙虹鋪藻翰一作麗松竹挂衣冠叔子  
神如在山公興未闌傳一作常聞騎馬醉還向習池看

登龍興寺閣

閣道乘空出披軒遠目開逶迤見江勢客至屢緣回茲  
郡何填委遙山復幾哉蒼蒼皆草木處處盡樓臺驟雨  
一陽散行舟四海來烏歸餘興遠周覽更裴回

登總持寺浮圖

半空躋寶塔晴望盡京華竹遶渭川遍山連上苑斜四

門一作郊開帝宅阡陌俯人家累劫從初地為童憶聚沙

一窺功德見彌益道心加坐覺諸天近空香送一作逐落

花一無一窺功德見二句

與崔二十一遊鏡湖寄包賀二公

試覽鏡湖水中流到一作見底清不知鱸魚味但識鷗鳥

情帆得樵風送春逢穀雨晴將探一作特尋夏禹穴稍背越

王城府

一作守

掾有包子文章推賀生滄浪醉後唱因此

寄同聲

夜登孔伯昭南樓時沈太清朱昇在座

誰家無風月此地有琴尊山水會稽郡詩書孔氏門再

來值秋杪高閣夜

一作閑

無喧華燭罷然蠟清絃方奏鷓

沈生隱侯循朱子買臣孫好我意不淺登茲共

一作同

話

言

陪盧明府泛舟回

一有岷山二字

作

百里行春返清流逸興多鷁舟隨雁泊

一作鳥沒

江火共星

羅已救田家旱仍醫

一作憂

俗化訛文章推後輩風雅激

頽波高岸迷陵谷新聲滿榷歌猶憐不才子

一作調者

白首

未登科

臘月八日於剡縣石城寺禮拜

石壁開金像香山倚

一作繞

鐵圍下生彌勒見回向一心

歸竹柏

一作松竹

禪庭古樓臺世界稀夕嵐增氣色餘照發

光輝講席邀談柄泉堂施浴衣願承功德水從此濯塵

機

同獨孤使君東齋作

郎官舊華省天子命分憂  
襄土歲頻旱隨車雨再流  
雲陰自南楚河潤及東周  
解宇宜新霽田家賀有秋  
竹間殘照入池上夕陽浮  
寄謝東陽守何如八詠樓

同王九題就師山房

晚憩支公室故人逢右軍  
軒窗避炎暑翰墨動新文  
竹

蔽

一作開

簷前

一作憲裏

日雨隨階下雲周

一作同

遊清蔭徧吟

臥夕陽曛江靜權歌歇溪深樵語聞歸途未忍去攜手  
戀清芬

冬至後過吳張二子檀溪別業

卜築因自然檀溪不更穿園廬二友接水竹數家連直

與一作

南山對非關選地偏

一本此下有卜鄰依孟母共井讓王宣曾是歌三樂

仍聞詠五篇四句

草堂時偃曝蘭柀

一作權

日周旋外事情都遠

一作遣

中流性所便閒垂太公釣興發子猷船余亦幽棲

者經過竊慕馬梅花殘

一作初

臘月

一作日

柳色半春天鳥



泊隨陽雁魚藏縮項鯿停杯問山簡何似習池邊

韓大使東齋會岳上人諸學士

郡守虛陳榻林間召楚材山川祈雨畢雲一作品物喜晴

開抗禮尊縫掖臨流揖渡杯徒攀朱仲李誰一作更薦和

羹梅翰墨緣情製高深以意裁滄洲趣不遠何必問蓬萊

上巳日澗南園期王山人陳七諸公不至

搖艇候明發花源弄晚春在山懷綺季臨漢憶荀陳上

已期三月浮杯興十旬坐歌空有待行樂恨無鄰日晚

蘭亭北煙開

一作花

曲水濱浴蠶逢姹女采艾值幽人石

壁堪題序沙場好解紳

一作神

羣公望不至虛擲此芳晨

齒坐呈山南諸隱

習公有遺坐高在白雲陲樵子不見識山僧賞自知以  
余為好事攜手一來窺竹露閒夜滴松風清晝吹從來  
抱微尚況復感前規於此無竒策蒼生奚以為

來

一作本

閣黎新亭作

八解禪林秀三明  
給苑才地偏香界  
遠心淨水亭開傍  
險山查立尋幽石  
逕回瑞花長自下  
靈藥豈須栽碧網  
交紅樹清泉盡綠苔  
戲魚聞法聚閑鳥  
誦經來棄象玄  
應悟忘言理必該  
靜中何所得吟詠也徒哉

西山尋辛諤

漾舟尋

一作乘

水便因訪故人居  
落日清川裏誰言獨羨

魚石潭窺洞徹沙岸  
歷紆徐竹嶼見垂釣  
茅齋聞讀書  
款言忘景夕清興屬涼初回也一瓢飲賢哉常晏如

題長安主人壁

久廢南山田叻

一作謬

陪東閣賢欲隨平子去猶未獻甘

泉枕籍

一作席

琴書滿褰帷遠岫連我來如昨日庭樹忽

鳴蟬促織驚寒女秋風感長年授衣當九月無褐竟誰憐

行出東山望漢川

一題作行至漢川作

異縣非吾土連山盡綠篁平田出郭少盤坂入雲長萬

壑歸於漢

一作海

千峰劃彼蒼猿聲亂楚峽人語帶巴鄉

石上攢椒樹藤間綴

一作養

窰房雪餘春未煖嵐解晝初

陽征馬疲登頓歸帆愛渺茫坐欣沿溜下信宿見維

一作

浮桑

夜泊宣城界

一題作旅行  
欲泊宣州界

西塞沿江島南陵問驛樓湖平津濟濶風止客帆收去

去懷前浦茫茫泛夕流石逢羅刹礙山泊敬亭幽火識

一作熾梅根治煙迷楊葉洲離家復水宿相伴賴沙鷗

下贛石

瀆石三百里沿洄千嶂間沸聲常活活

一作浩浩

洄勢亦潺

潺跳沫魚龍沸垂藤猿狖攀榜人苦奔峭而我忘險艱

放溜情彌

一作深

愜

一作遠

登艫目自閒暝帆何處宿

一作泊

遙指落星灣

初年樂城館中臥疾懷歸作

異縣天隅僻孤帆海畔過往來鄉信斷留滯客情多臘

月聞雷震東風感歲和蟄虫驚戶穴巢鵲眇庭柯徒對

芳尊酒其如伏枕何歸歟

一作來

理舟楫江海正無波

醉後贈馬一作高四

四海重然諾吾嘗聞白晝秦城遊俠客

一作窟

相得半酣

時

贈王九

題上一有口號二字

日暮田家遠山中勿久淹歸人須早去稚子望陶潛

登峴山亭寄晉陵張少府

峴首風湍急雲帆若鳥飛憑軒試一問張翰欲來歸

送朱大入秦

遊人武陵去寶劍直千金分手脫相贈平生一片心

送友人之京

君登青雲去予望青山歸雲山從此別淚濕薜蘿衣

送張郎中遷京

碧溪常共賞朱邸忽遷榮豫有相思意聞君琴上聲

同張將薊門觀燈

異俗非鄉俗新年改故年薊門看火樹疑是燭龍然

張郎中梅園中

一作



綺席鋪蘭社珠盤折芰荷故園留不住應是戀絃歌

北澗泛舟

北澗流恒滿浮舟觸處通沿洄自有趣何必五湖中

春曉

春眠不覺曉處處聞啼鳥夜來風雨聲花落知多少一作

欲知昨夜風  
花落無多少

洛中訪袁拾遺不遇

洛陽訪才子江嶺作流人聞說梅花早何如北一作地

春

尋菊花潭主人不遇

行至菊花潭村西日已斜主人登高去雞犬空在家

檀溪尋故人

一題作檀溪尋古

花伴一作苑半成龍竹池分躍馬溪田園人不見疑向洞中

棲一作武陵迷

揚子津望京口

北固臨京口夷山近一作對海濱江風白浪起愁殺渡頭

人

同儲十二洛陽道中作

珠彈繁華子金羈遊俠人酒酣白日暮走馬入紅塵

初下浙江舟中口號

八月觀潮

一作濤

罷三江越海潯回瞻魏闕路空

一作無

復

子牟心

宿建德江

移舟泊煙

一作幽

渚日暮客愁新野曠天低樹江清月近

人

問舟子

向夕問舟子前程復一作無

幾多灣頭正堪一作好

泊淮裏

足風波

戲題一作戲  
贈主人

客醉眠未起主人呼解醒已言難黍熟復道一作說甕頭

清

涼州詞

渾成紫檀金屑文  
作得琵琶聲入雲胡地  
迢迢三萬里  
那堪馬上送明君

異方之樂令人悲  
羌笛胡笳不用吹  
坐看今夜關山月  
思殺邊城遊俠兒

送新安張少府歸秦中

一題作越中  
送人歸秦中

試登秦嶺一作望秦川  
遙憶青門春可憐  
仲月送君從

此去瓜時須及邵平田

送杜十四之江南

一無題下三字  
一題作送杜晃進士之東吳

荆吳相接水為一作連鄉君去春江一作江村正淼茫日暮征

帆何處泊一作泊何處天涯一望斷人腸

渡浙江問舟中人一題作濟江問同舟人一作崔國輔詩

潮落江平未有風扁舟一作舸共濟與君同時時引領望

天末何處青山是越中

### 初秋

不覺初秋夜漸長清風習習重淒涼炎暑退茅齋靜  
堦下叢莎有露光

過融上人蘭若

山頭

一作間

禪室挂僧衣  
窗外無人水

一作溪

鳥飛黃昏半

在下山路却聽泉聲戀翠微

句

微雲淡河漢  
疎雨滴梧桐

王士源云浩然常間遊秘省秋月新霽諸英聯詩次當浩

然云云舉坐嗟其清絕不復為綴

逐逐懷良馭  
蕭蕭顧樂鳴

省試騏驎長鳴詩見

丹陽集

御定全唐詩卷一百六十

謹案卷一百六十五第十二頁前一行棄婦詞刊  
本棄訛去據太白集改

卷一百六十九第三頁後一行贈崔郎中宗之按  
李集作贈崔郎中之金陵

卷一百七十第八頁後七行王喬辭葉縣按李集  
葉作鄴


卷一百七十四第十頁前五行孤帆遠影碧山盡  
按李青蓮集山作空



第十二頁後二行洗心句溪月刊本句訛向據別

本改





總校官庶吉士 臣張能照

校對官檢討 臣蕭九成

謄錄舉人 臣李駟

謄錄監生 臣劉天蒼

欽定四庫全書薈要

集部

御定全唐詩卷二百六十一至  
四

詳校舊候補通詩經歷臣郭祚職

欽定四庫全書薈要卷一萬七千五百六十六

集部

御定全唐詩卷一百六十一

李白

李白字太白隴西成紀人涼武昭王嵩九世孫或曰山

東人或曰蜀人白少有逸才志氣宏放飄然有超世之

心初隱岷山益州長史蘇頲見而異之曰是子天才英  
特可比相如天寶初至長安往見賀知章知章見其文  
歎曰子謫仙人也言於明皇召見金鑾殿奏頌一篇帝

賜食親為調羹有詔供奉翰林白猶與酒徒飲於市帝  
坐沈香亭子意有所感欲得白為樂章召入而白已醉  
左右以水頰面稍解援筆成文婉麗精切帝愛其才數  
宴見白常侍帝醉使高力士脫鞵力士素貴恥之摘其  
詩以激楊貴妃帝欲官白妃輒沮止白自知不為親近  
所容懇求還山帝賜金放還乃浪跡江湖終日沈飲永  
王璘都督江陵辟為僚佐璘謀亂兵敗白坐長流夜郎  
會赦得還族人陽冰為當塗令白往依之代宗立以左

拾遺召而白已卒文宗時詔以白歌詩裘旻劔舞張旭  
草書為三絕云集三十卷今編詩二十五卷

古風

大雅久不作吾衰竟誰陳王風委蔓草戰國多荆榛龍  
虎相啖食兵戈逮狂秦正聲何微茫哀怨起騷人揚馬  
激頽波開流蕩無垠廢興雖萬變憲章亦已淪自從建  
安來綺麗不足珍聖代復元古垂衣貴清真羣才屬休  
明乘運共躍鱗文質相炳煥衆星羅秋旻我志在刪述

垂輝映千春希聖如有立絕筆於獲麟

蟾蜍薄太清蝕此瑤臺月圓光虧中天金魄遂淪沒  
踈入紫微大明夷朝暉浮雲隔兩曜萬象昏陰霏蕭蕭  
長門宮昔是今已非桂蠹花不實天霜下嚴威沈歎終  
永夕感我涕沾衣

秦皇掃六合虎視何雄哉飛

一作揮

劍決浮雲諸侯盡西

來明斷自天啟大畧駕羣才收兵鑄金人函谷正東開  
銘功會稽嶺騁望瑯琊臺刑徒七十萬起土驪山隈尚

採不死藥茫然使心哀連弩射海魚長鯨正崔嵬額鼻  
象五嶽揚波噴雲雷鬢鬢蔽青天何由覩蓬萊徐市載  
秦女樓船幾時迴但見三泉下金棺墓寒灰

鳳飛九千仞五章備綵珍銜書且虛歸空入周與秦橫  
絕歷四海所居未得隣吾營紫河車千載落風塵藥物  
秘海嶽採鉛青溪濱時登大樓山舉手一作首望仙真羽

駕滅去影颺車絕迴輪尚恐丹液遲志願不及申徒霜  
鏡中髮羞彼鶴上人桃李何處開此花非我春唯應清



都境長與韓衆親

太白何蒼蒼星辰上森列去天三百里邈爾與世絕中  
有綠髮翁披雲臥松雪不笑亦不語冥棲在巖穴我來  
逢真人長跪問寶訣粲然啟玉齒

一作忽  
自哂

授以鍊藥說

銘骨傳其語竦身已電滅仰望不可及蒼然五情熱吾  
將營丹砂永與世人別

代馬不思越越禽不戀燕情性有所習土風固其然

一作

其固

昔別雁門關今戍龍庭前驚沙亂海日飛雪迷胡

天機蟲生虎鷓心魂逐旌旃苦戰功不賞忠誠難可宣  
誰憐李飛將白首沒三邊

五鶴西北來飛飛凌太清仙人綠雲上自道安期名兩  
兩白玉童雙吹紫鸞笙去影忽不見回風送天聲我欲

一問之

一作舉首  
遠望之

飄然若流星願餐金光草壽與天齊

傾

一作客有鶴上仙飛飛凌太清揚言碧雲裏自道安  
期名兩兩白玉童雙吹紫鸞笙飄然下倒影倏忽無

留形遺我金光草服之四體  
輕將隨赤松去對博坐蓬瀛

咸陽二三月宮柳黃金枝綠幘誰家子賣珠輕薄兒日

暮醉酒歸白馬驕且馳意氣人所仰  
冶遊方及時子雲不曉事晚獻長楊辭  
賦達身已老草玄鬢若絲投閣良可歎  
但為此輩嗤

莊周夢胡蝶胡蝶為莊周一體更變易  
萬事良悠悠乃知蓬萊水復作清淺流  
青門種瓜人舊日東陵侯富貴故一作固  
如此營營何所求

齊有個儻生魯連特高妙明月出海底  
一朝開光曜却秦振英聲後世仰末照  
意輕千金贈顧向平原笑吾亦

澹蕩人拂衣可同調

黃河走東溟  
白日落西海  
逝川與流光  
飄忽不相待  
春容捨我去  
秋髮已衰改  
人生非寒松  
年貌豈長在  
吾當乘雲螭  
吸景駐光彩

一作誰能學天  
飛三秀與君採

松柏本孤直  
難為桃李顏  
昭昭嚴子陵  
垂釣滄波間  
身將客星隱  
心與浮雲閒  
長揖萬乘君  
還歸富春山  
清風灑六合  
邈然不可攀  
使我長歎息  
冥棲巖石間

君平既棄世  
世亦棄君平  
觀變窮太易  
探元化羣生  
寂

冥緞道論空簾閉幽情騶虞不虛來鸞鷲有時鳴安知  
天漢上白日懸高名海客去已久誰人測沈冥

胡關饒風沙蕭索竟終古木落秋草黃登高望戎虜荒  
城空大漠邊邑無遺堵白骨橫千霜嵯峨蔽榛莽借問  
誰凌虐天驕毒威武赫怒我聖皇勞師事鞶鼓陽和變  
殺氣發卒騷中土三十六萬人哀哀淚如雨且悲就行

役安得營農圃不見征戍兒豈知關山苦

一本此下有  
爭鋒徒死節

乘鉞皆庸豎戰士死蒿  
萊將軍獲圭組四句

李牧今不在邊人飼豺虎

燕昭延郭隗遂築黃金臺劇辛方趙至鄒衍復齊來奈  
何青雲士棄我如塵埃珠玉買歌笑糟糠養賢才方知  
黃鶴舉千里獨裴回

寶劍雙蛟龍雪花照芙蓉精光射天地雷騰不可衝一  
去別金匣飛沈失相從風胡滅已久所以潛其鋒吳水  
深萬丈楚山邈千重雌雄終不隔神物會當一作逢

金華牧羊兒乃是紫烟客我願從之遊未去髮已白不  
知繁華子擾擾何所迫崑山採瓊藥一作可以煉精魄

天津三月時千門桃與李朝為斷腸花暮逐東流水前  
水復後水古今相續流新人非舊人年年橋上遊雞鳴  
海色動謁帝羅公侯月落西上陽

一作上陽西

餘輝半城樓

衣冠照雲日朝下散皇州鞍馬如飛龍黃金絡馬頭行  
人皆辟易志氣橫高丘入門上高堂列鼎錯珍羞香風  
引趙舞清管隨齊謳七十紫鴛鴦雙雙戲庭幽行樂爭  
晝夜自言度千秋功成身不退自古多愆尤黃犬空歎  
息綠珠成釁讐何如鴟夷子散髮櫂

一作扁舟

西嶽一作蓮花山迢迢見明星素手把芙蓉虛步躡太

清霓裳曳廣帶飄拂昇天行邀我登雲臺高揖衛叔卿  
恍恍與之去駕鴻凌紫冥俯視洛陽川茫茫走胡兵流  
血塗野草豺狼盡冠纓

昔我遊齊都登華不注峯茲山何峻秀綠翠如芙蓉蕭  
颯古仙人了知是赤松借予一白鹿自挾兩青龍含笑  
凌倒景欣然願相從一本此十句作一首泣與親友別欲語再三

咽勗君青松心努力保霜雪世路多險艱白日欺紅顏



分手各千里去去何時還

一本此八句作一首

在世復幾時倏如

飄風度空聞紫金經白首愁相誤撫已忽自笑沈吟為

誰故名利徒煎熬安得閒余步終留赤玉舄東上蓬萊

一作路秦帝如我求蒼蒼但烟霧

一本此十二句作一首

郢客吟白雪遺響飛青天徒勞歌此曲舉世誰為傳試  
為巴人唱和者乃數千吞聲何足道歎息空淒然

秦水別隴首幽咽多悲聲胡馬顧朔雪躑躅長嘶鳴感  
物動我心緬然含歸情昔視秋蛾飛今見春蠶生嫋嫋

桑柘葉萋萋柳垂榮急節謝流水羈心搖懸旌揮涕且  
復去惻愴何時平

秋露白如玉團團下庭綠我行忽見之寒早悲歲促人  
生鳥過目胡乃自結束景公一何愚牛山淚相續物苦  
不知足得隴又望蜀人心若波瀾世路有屈曲三萬六  
千日夜夜當秉燭

大車揚飛塵亭午暗阡陌中貴多黃金連雲開甲宅路  
逢鬪雞者冠蓋何輝赫鼻息干虹蜺行人皆怵惕世無

洗耳翁誰知堯與跖

世道日交喪澆風散淳源不採芳桂枝反棲惡木根所以桃李樹吐花竟不言大運有興沒羣動爭飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青烟秀色空絕世馨香竟誰傳坐看飛霜滿凋此紅芳年結根未得所願託華池邊

燕趙有秀色綺樓青雲端睂目豔皎月一笑傾城歡常

恐碧草晚坐泣秋風寒纖手怨玉琴清晨起長歎焉得  
偶君子共乘雙飛鸞

容顏若飛電時景如飄風草綠霜已白日西月復東華

鬢一作髮不耐秋颯然成衰蓬古來賢聖人一一誰成功

君子變猿鶴小人為沙蟲不及廣成子乘雲駕輕鴻

三季分戰國七雄成亂麻王風何怨怒世道終紛拏至  
人洞玄象高舉凌紫霞仲尼欲浮海吾祖之流沙聖賢  
共淪沒臨別胡咄嗟

玄風變太古道喪無時還擾擾季葉

一作市井

人雞鳴趨四關

但識金馬門誰

詎一作

知蓬萊山白首死羅綺笑歌無時

閒綠酒哂丹液青娥凋素顏

一作萋萋千金骨風塵凋素顏

大儒揮金

椎琢之詩禮間蒼蒼三株樹冥目焉能攀

鄭客西入關行行未能已白馮華山君相逢平原里璧

遺鎬池君明年龍祖死秦人相謂曰吾屬可去矣一往

桃花源千春隔流水

蓐收肅金氣西陸弦海月秋蟬號階軒感物憂不歇良

辰竟何許大運有淪忽天寒悲風生夜久衆星沒惻惻  
不忍言哀歌逮明發

北溟有巨魚身長數千里仰噴三山雪

一作雲

橫吞百川

水憑陵隨海運燁赫因風起吾觀摩天飛九萬方未已

羽檄如流星虎符合專城喧呼救邊急羣鳥皆夜鳴白

日曜紫微三公運權衡天地皆得一澹然四海清借問

此何為荅言楚徵兵渡瀘及五月將赴雲南征

一作行怯

卒非戰士炎方難遠行

一作征

長號別嚴親日月慘光晶

泣盡繼以血心摧兩無聲困獸當猛虎窮魚餌奔鯨千  
去不一回投軀豈全生如何舞干戚一使有苗平

醜女來效顰還家驚四隣壽陵失本步笑殺邯鄲人一  
曲斐然子雕蟲喪天真棘刺造沐猴三年費精神功成  
無所用楚楚且華身大雅思文王頌聲久崩淪安得郢  
中質一揮成斧斤

抱玉入楚國見疑古所聞良寶終見棄徒勞三獻君直  
木忌先伐芳蘭哀自焚盈滿天所損沈冥道為羣東海

沈碧水西關乘紫雲魯連及柱史可以躡清芬

此詩一作感興

云竭來荆山客誰為珉玉分良寶絕見棄虛持三獻君直木忌先伐芬蘭哀自焚盈滿天所損沈冥道所羣東海有碧水西山多白雲魯連及夷齊可以躡清芬

燕臣昔慟哭五月飛秋霜庶女號蒼天震風擊齊堂精誠有所感造化為悲傷而我竟何辜遠身金殿傍

一本無此

二浮雲蔽紫闥白日難回光羣沙穢明珠衆草凌孤芳古來共歎息流淚空霓裳

孤蘭生幽園衆草共蕪沒雖照陽春暉復悲高秋月飛



霜早浙瀝綠豔恐休歇若無清風吹香氣為誰發

登高望四海天地何漫漫霜被羣物秋風飄大荒寒榮

華東流水萬事皆波瀾白日掩徂輝浮雲無定端梧桐

巢燕雀枳棘棲鴛鸞且復歸去來劔歌行

一作悲

路難

一作

登高望四海天地何漫漫霜被羣物秋風飄大荒寒殺  
氣落喬木浮雲蔽層巒孤鳳鳴天倪遺聲何辛酸遊人  
悲舊國撫心亦盤桓倚  
劔歌所思曲終涕泗瀾

鳳饑不啄粟所食唯琅玕焉能與羣雞刺蹙

一作蹙

爭一

餐朝鳴崑丘樹夕飲砥柱湍歸飛海路遠獨宿天霜寒

幸遇王子晉結交青雲端懷恩未得報感別空長歎

朝弄紫沂海

一作朝駕  
碧鸞車

夕披丹霞裳揮手折若木拂此

西日光雲臥

一作舉

遊八極玉顏已千

一作如清

霜飄飄入無

倪稽首祈上皇呼我遊太素玉杯賜瓊漿一餐歷萬歲

何用還故鄉永隨長風去天外恣飄揚

一本無此二句

搖裔雙白鷗鳴飛滄江流宜與海人狎豈伊雲鶴儔寄

形一作影

宿沙月泓芳戲春洲吾亦洗心者忘機從爾遊

周穆八荒意漢皇萬乘尊淫樂心不極雄豪安足論西

海宴王母北宮邀上元瑤水聞遺歌玉杯竟空言靈跡  
成蔓草徒悲千載魂

綠蘿紛葳蕤繚繞松栢枝草木有所託歲寒尚不移奈  
何天桃色坐歎葑菲詩玉顏豔紅彩雲髮非素絲君子  
思已畢賤妾將何為

八荒馳驚颺萬物盡凋落浮雲蔽頽陽洪波振大壑龍  
鳳脫罔罟飄颻將安託去去乘白駒空山詠場藿

一百四十年國容何赫然隱隱五鳳樓峨峨橫三川王

侯象星月賓客如雲烟

以上六句一作帝京信佳麗國容何赫然劔戟擁九關歌鍾沸

三川蓬萊象天構珠翠誇雲仙

鬪雞金宮裏蹴踘瑶臺邊舉動搖白日指

揮回青天當塗何翕忽失路長棄捐獨有揚執戟閉關  
草太玄

桃花開東園含笑誇白日偶蒙東風榮生

一作矜

此豔陽

質豈無佳人色但恐花不實宛轉龍火飛零落早相失

詎知南山松獨立自蕭颺

此詩一作感興云芙蓉嬌綠波桃李誇白日偶蒙春風榮

生此豔陽質豈無佳人色但恐花不實宛轉龍火飛零落互相失詎知凌寒松千載長守一

秦皇按寶劍赫怒震威神逐日巡海右驅石駕一作滄

津徵卒空九寓作橋傷萬人但求蓬島藥豈思農鴈春  
力盡功不贍千載為悲辛

美人出南國灼灼芙蓉姿皓齒終不發芳心空自持由  
來紫宮女共妬青蛾眉歸去瀟湘沚沈吟何足悲

宋國梧臺東野人得燕石

一作宋人枉千金去國買燕石

誇作天下珍

却哂趙王璧趙璧無緇磷燕石非真真流俗多錯誤豈

知玉與珉

殷后亂天紀楚懷亦已昏夷羊滿中野  
菘菘盈高門比干諫而死屈平竄湘源  
虎口何婉孌女嬃空嬋媛彭咸久淪沒  
此意與誰論

青春流驚湍朱明

一作火

驟回薄不忍看秋蓬飄揚竟何

託光風滅蘭蕙白露洒葵藿

一作委蕭藿

美人不我期草木

日零落

戰國何紛紛兵戈亂浮雲趙倚兩虎鬪  
晉為六卿分姦臣欲竊位樹黨自相羣  
果然田成子一旦殺齊君

倚劔登高臺悠悠送春日蒼榛蔽層丘瓊草隱深谷鳳

鳥鳴西海欲集無珍木鸞斯得所居蒿下盈萬族晉風

日已頽窮途方慟哭以上六句一作翩翩眾鳥飛翱翔

歸來愴途窮日暮還慟哭

齊瑟彈一作揮東吟秦弦弄西音慷慨動顏魄一作色使人

成荒淫彼美佞邪子婉孌來相尋一笑雙白璧再歌千

黃金珍色不貴道詎惜飛光沈安識紫霞客瑤臺鳴素

玉一作琴

越客採明珠提攜出南隅清輝照海月美價傾皇都獻  
君君按劍懷寶空長吁魚目復相哂寸心增煩紆

羽族稟萬化小大各有依周周亦何辜六翮掩不揮願  
銜衆禽翼一向黃河飛飛者莫我顧歎息將安歸

我到一作行巫山渚尋古登陽臺天空綵雲滅地遠清風

來神女去已久襄王安在哉荒淫竟淪替一作沒樵牧徒

悲哀

惻惻泣路岐哀哀悲素絲路岐有南北素絲易變移萬



事固如此人生無定期田實相傾奪賓客互盈虧世途

多翻覆

一作谷風  
刺輕薄

交道方嶮巇斗酒強然諾寸心終自

疑張陳竟火滅蕭朱亦星離衆鳥集榮柯窮魚守枯池

嗟嗟失權

一作  
權

客勤問何所規

一作  
悲

御定全唐詩卷一百六十一

欽定四庫全書蒼要卷一萬七千五百六十七

集部

御定全唐詩卷一百六十二

李白

遠別離

遠別離古有皇英之二女乃在洞庭之南瀟湘之浦海  
水直下萬里深誰人不言此離苦日慘慘兮雲冥冥  
猩啼煙兮鬼嘯雨我縱言之將何補皇穹竊恐不照余  
之忠誠雲一作雷憑憑兮欲吼怒堯舜當之亦禪禹君失

臣兮龍為魚權歸臣兮鼠變虎或言

一作云

堯幽囚舜野

死九疑聯綿皆相似重瞳孤墳竟何

一作誰

是帝子泣兮

綠雲間隨風波兮去無還慟哭兮遠望見蒼梧之深山  
蒼梧山崩湘水絕竹上之淚乃可滅

### 公無渡河

黃河西來決崑崙咆哮

一作吼

萬里觸龍門波滔天堯咨

嗟大禹理百川兒啼不窺家殺湍湮洪水九州始蠶麻

其害乃去茫然風沙被髮之叟狂而癡清晨臨

一作徑流

欲奚為旁人不惜妻止之公無渡河苦渡之虎可搏河  
難憑公果溺死流海渚有長鯨白齒若雪山公乎公乎  
挂胃一作骨於其間筮篔所悲竟不還

蜀道難

噫吁噉危乎高哉蜀道之難難於上青天蠶叢及魚鳧  
開國何茫然爾來四萬八千歲不與秦塞通人煙西當  
太白有鳥道可以橫絕峨眉巖崩地崩山摧壯士死然後  
天梯石棧相一作方鉤連上有六龍回日之高標一作橫  
河斷海

之浮雲

下有衝波逆折之回川黃鶴之飛尚不得過猿猱

欲度愁攀援

一作緣

青泥何盤盤百步九折縈巖巒捫參

歷井仰脅息以手撫膺坐長歎問君

一作征人

西遊何時

一作

當

還畏途巉巖不可攀但見悲鳥號古

一作枯

木雄飛雌

從

一作呼雌一作從雌

繞林間又聞子規啼夜月愁空山蜀道之

難難於上青天使人聽此凋朱顏連峯去天不盈尺

一作

入煙幾千尺

枯松倒挂倚絕壁飛湍瀑流爭喧豗砢崖轉石

萬壑雷其險也如

一作若

此嗟爾遠道之人胡為乎來哉

劔閣崢嶸而崔嵬一夫當關萬夫

一作人

莫開所守或匪

親

一作人

化為狼與豺朝避猛虎夕避長蛇磨牙吮血殺

人如麻錦城雖云樂不如早還家蜀道之難難於上青

天側身西望長咨

一作令人嗟

### 梁甫吟

長嘯梁甫吟何時見陽春君不見朝歌屠叟辭棘津八

十西來釣渭濱寧羞白髮照清

一作錄

水逢時吐

一作壯氣

思經綸廣張三千六百鈞風期

一作雅

暗與文王親大賢

虎變愚不測當年頗似尋常人君不見高陽酒徒起草

中長揖山東隆準公入門不拜

一作入門開說  
一作一開游說

騁雄辯

兩女輟洗來趨風東下齊城七十二指揮

一作  
麾

楚漢如

旋蓬狂客

一作  
生

落魄

一作  
拓

尚如此何況壯士當羣雄我

欲攀龍見明主雷公砰訇震天鼓帝傍投壺多玉女三

時大笑開

一作  
生

電光倏爍晦冥起風雨閭闔九門不可

通以額扣關闔者怒白日不照吾精誠杞國無事憂天

傾楔猱磨牙競人肉騶虞不折生草莖手接飛猱搏彫

虎側足焦原未言苦智者可卷愚者豪世人見我輕鴻  
毛力排南山三壯士齊相殺之費二桃吳楚弄兵無劇  
孟亞夫哈爾為徒勞梁甫吟梁甫吟聲正悲張公兩龍  
劍神物合有時風雲感會起屠釣大人峴岬當安之

烏夜啼

黃雲城邊烏欲棲歸飛啞啞枝上啼機中織錦

一作閨中織婦

秦川家

一作家

女碧紗如煙隔窗語停梭悵然憶遠人

一作向人

問故夫

獨宿孤空

一作空

房

一作欲說遠西

淚如雨



烏棲曲

姑蘇臺上烏棲時  
吳王宮裏醉西施  
吳歌楚舞歡未畢

青山欲

一作猶

銜半邊日  
銀箭金壺

一作金壺丁丁

漏水多起看

秋月墜江波  
東方漸高奈樂

一作爾

何

戰城南

去年戰桑乾源  
今年戰蔥河道  
洗兵條支海上波  
放馬

天山雪中草  
萬里長征戰  
三軍盡衰老  
匈奴以殺戮為

耕作古來唯見白骨  
黃沙田家家築城避

一作備

胡處漢

家還有烽火然烽火然不息征戰

一作長征

無已時野戰格

鬪死敗馬號鳴向天悲烏鳶啄人腸銜飛上挂枯樹枝

一作銜飛

上枯枝

士卒塗草莽將軍空爾為乃知兵者是凶器

聖人不得已而用之

### 將進酒

君不見黃河之水天上來奔流到海不復迴君不見高堂明鏡悲白髮朝如青絲暮成雪人生得意須盡歡莫使金樽空對月天生我材必有用千金散盡還復來烹

羊宰牛且為樂會須一飲三百盃岑夫子丹丘生將進

酒君

一作杯

莫停與君歌一曲請君為我側耳聽鐘鼓饌

玉不足貴

一作鐘鼎玉  
帛豈足貴

但願長醉不願復

一作醒古來聖

賢皆寂寞惟有飲者留其名陳王昔時宴平樂斗酒十  
千恣譔譔主人何為言少錢徑須沽取對君酌五花馬  
千金裘呼兒將出換美酒與爾同銷萬古愁

行行遊且獵篇

邊城兒生年不讀一字書但將遊獵誇輕矯胡馬秋肥

宜白草騎來躡影何矜

一作可憐

驕金鞭拂雪

一作雲

揮鳴鞘

半酣呼鷹出遠郊弓彎

一作彎弧

滿月不虛發雙鶴迸落連

飛鶻

一作鶻

海邊觀者皆辟易猛氣英風振沙磧儒生不

及遊俠人白首下帷復何益

### 飛龍引二首

黃帝鑄鼎於荆山鍊丹砂丹砂成黃金騎龍飛上太清  
家雲愁海思令人嗟宮中綵女顏如花飄然揮手凌紫  
霞從風縱體登鸞車登鸞車侍軒轅遨遊青天中其樂

不可言

鼎湖流水清且閒，軒轅去時有弓劍。古人傳道留其間，  
後宮嬋娟多花顏。乘鸞飛煙亦不還，騎龍攀天造天關。  
造天關，聞天語，長雲河車載玉女。載玉女，過紫皇，紫皇  
乃賜白兔所擣之藥方。後天而老彫，三光下視瑤池見。  
王母蛾眉蕭颯如秋霜。

天馬歌

天馬來出月支窟，背為虎文龍翼骨。嘶青雲，振綠髮，蘭

筋權奇走滅沒騰崑崙歷西極四足無一蹙雞鳴刷燕  
晡秣越神行電邁躡慌惚天馬呼飛龍趨目明長庚臆  
雙鳧尾如流一作煙星首渴鳥口噴紅光汗溝朱一作珠曾

陪時龍躡天衢羈金絡月照皇都逸氣稜稜凌九區白

壁如山誰敢沾回頭笑紫燕但覺爾輩愚天馬奔戀君

軒駮音竦躍驚矯浮雲翻萬里足躑躅遙瞻闔闔門不逢

寒風子誰採逸景孫白雲在青天一本無青字丘陵遠崔嵬

一作崔嵬遠鹽車上峻坂倒行逆施畏日晚伯樂翦拂中道

遺少盡其力老棄之願逢田子方惻然為我悲

一作思

雖

有玉山禾不能療苦飢嚴霜五月凋桂枝伏櫪銜冤摧  
兩眉請君贖獻穆天子猶堪弄影舞瑤池

行路難三首

金樽清酒斗十千玉盤珍羞直萬錢停杯投筯不能食  
拔劍四顧心茫然欲渡黃河水塞川將登太行雪滿山  
一作閒來垂釣碧

一作坐

溪上忽復乘舟夢日邊行路難

行路難多歧路今安在長風破浪會有時直挂雲帆濟

滄海

大道如青天我獨不得出羞逐長安社中兒赤雞白狗一作雉睹

梨栗彈劍作歌奏苦聲曳裾王門不稱情淮陰市井笑韓信

漢朝公卿忌賈生君不見昔時燕家重郭隗擁篲折節一作腰

無嫌猜劇辛樂毅感恩分輸肝剖膽效英才昭王白骨

縈爛一作蔓草誰人更掃黃金臺行路難歸去來

有耳莫洗潁川水有口莫食首陽蕨含光混世貴無名

何用孤高比雲月吾觀自古賢達人功成不退皆殞身



子胥既棄吳江上屈原終投湘水濱陸機雄才一作才多豈

自保李斯稅駕苦不早華亭鶴唳詎可聞上蔡蒼鷹何

足道君不見吳中張翰稱一作真達生秋風忽憶江東行且

樂生前一杯酒何須身後千載名

### 長相思

長相思在長安絡緯秋啼金井闌微一作凝霜淒淒簾色

寒孤燈不明一作寐思欲絕卷帷望月空長歎美人如花

一作佳期一作佳隔雲端上有青冥之長天下有淶水之波瀾天

長路遠魂飛苦夢魂不到關山難長相思摧心肝

上留田行

行至上留田孤墳何崢嶸積此萬古恨春草不復生悲  
風四邊來腸斷白楊聲借問誰家地埋沒蒿里塋古老  
向余言言是上留田蓬科馬鬣今已平昔之弟死兄不  
葬他人於此舉銘旌一鳥死百鳥鳴一獸走百獸驚桓  
山之禽別離苦欲去迴翔不能征田氏倉卒骨肉分青  
天白日摧紫荊交柯之木本同形東枝顛顛西枝榮無

心之物尚如此參商胡乃尋天兵孤竹延陵讓國揚名  
高風緬邈顏波激清尺布之謠塞耳不能聽

春日行

深宮高樓入紫清金作蛟龍盤繡

一作繡作

楹佳人當窗弄

白日弦將手語彈鳴箏春風吹落君王耳此曲乃是昇  
天行因出天池泛蓬瀛樓船蹙沓波浪驚三千雙蛾獻  
歌笑搗鐘考鼓宮殿傾萬姓聚舞歌太平我無為人自  
寧三十六帝欲相迎仙人飄翩下雲軿帝不去留鎬京

安能為軒轅獨往入宵冥小臣拜獻南山壽陛下萬古  
垂鴻名

前有一樽酒行二首

一本無一字

春風東來忽相過金樽綠酒生微波落花紛紛稍覺多  
美人欲醉朱顏酡青軒桃李能幾何流光欺人忽蹉跎  
君起舞日西夕當年意氣不肯平

一作傾

白髮如絲歎何益

琴奏龍門之綠桐玉壺美酒清若空催弦拂柱與君飲

看朱成碧顏始紅胡姬貌如花當壚笑春風笑春風舞  
羅衣君今不醉將一作欲安歸

夜坐吟

冬夜夜寒覺夜長沈吟久坐坐北堂冰合井泉月入閨

金

一作青

缸青凝

一作凝明

照悲啼金

一作青

缸滅啼轉多掩妾

淚聽君歌歌有聲妾有情情聲合兩無違一語不入意  
從君萬曲梁塵飛

野田黃雀行

遊莫逐炎洲翠棲莫近吳宮燕吳宮火起焚巢

一作

窠

炎洲逐翠遭網羅蕭條兩翅蓬蒿下縱有鷹鷂奈若

一作

爾何

筌篔謠

攀天莫登龍走山莫騎虎貴賤結交心不移唯有嚴陵  
及光武周公稱大聖管蔡寧相容漢謠一斗粟不與淮  
南春兄弟尚路人吾心安所從他人方寸間山海幾千  
重輕言託朋友對面九疑峯開

一作多

花必早落桃李不

如松管鮑久已死何人繼其蹤

雉朝飛

麥隴青青三月時白雉朝飛挾兩雌錦衣繡翼何離襍

犢牧

一作  
犢沐

採薪感之悲春天和白日暖啄食飲泉勇氣

滿爭雄鬪死繡頸斷雉子班奏急管弦傾心酒美

一作  
心傾

美酒盡玉椀枯楊枯楊爾生稊

一作  
莢

我獨七十而孤棲彈

弦寫恨意不盡瞋目歸黃泥

上雲樂

金天之西白日所沒康老胡雛生彼月窟巉巖容儀戍  
削風骨碧玉炁炁雙目瞳黃金拳拳兩鬢紅華蓋垂下  
睫嵩嶽臨上唇不覩詭譎貌豈知造化神大道是文康  
之嚴父元氣乃文康之老親撫頂弄盤古推車轉天輪  
云見日月初生時鑄冶火精與水銀陽烏未出谷顧免  
半藏身女媧戲黃土團作愚下人散在六合間濛濛若  
沙塵生死了不盡誰明此胡是仙真西海栽若木東溟  
植扶桑別來幾多時枝葉萬里長中國有七聖半路頽



洪鴻一作荒陛下應運起龍飛入咸陽赤眉立盆子白水

興漢光叱咤四海動洪濤為籛揚舉足蹋紫微天關自

開張老胡感至德東來進仙侶五色師子九苞鳳皇是

老胡雞犬鳴舞飛帝鄉淋漓颯沓進退成行能胡歌獻

漢酒跪雙膝立一作並兩肘散花指天舉素手拜龍顏獻

聖壽北斗戾南山摧天子九九八十一萬歲長傾萬歲

一作年  
一作壽杯

白鳩辭

一作夷則格上  
白鳩拂舞辭

鏗鳴鐘考朗鼓歌白鳩引拂舞白鳩之白誰與隣霜衣  
雪襟誠可珍含哺七子能平均食不噎一作咽性安馴首  
農政鳴陽春天子刻玉杖鏤形賜耆人白鷺一作鷹之一一作  
亦白非純真外潔其色心匪仁闕五德無司晨胡為啄  
我葭下之紫鱗鷹鷓鴣貪而好殺鳳凰雖大聖不願  
以為臣

日出行

一作日出  
入行

日出東方隈似從地底來歷天又入海六龍所舍安在

哉其始與終古不息

一作其行終古不休

人非元氣安得與之

久衰徇草不謝榮於春風木不怨落於秋天誰揮鞭策  
驅四運萬物興歇皆自然義和義和汝奚汨沒於荒淫  
之波魯陽何德駐景揮戈逆道違天矯誣實多吾將囊  
括大塊浩然與溟滓同科

胡無人

嚴風吹霜海草凋筋幹精堅胡馬驕漢家戰士三十萬  
將軍兼領

一作誰者

霍嫖姚流星白羽腰間插劔花秋蓮光

出匣天兵照雪下，玉關虜箭如沙射。  
金甲雲龍風虎盡，交回太白八月敵。  
可摧敵可摧，旌頭滅履胡之腸。  
涉胡血懸胡青天上，埋胡紫塞傍。  
胡無人漢道昌。一本此下有陛下之

壽三千霜，但歌大風雲飛揚。安得猛士兮守四方。胡無人漢道昌五句。

### 北風行

燭龍棲寒門，光曜猶旦開。  
日月照之何不及，此唯有北風。  
號怒天上來，燕山雪花大如席。  
片片吹落軒轅臺，幽州思婦十二月。  
停歌罷笑雙蛾摧，倚門望行人。  
念君長

城苦寒良可哀別時提劍救邊去遺此虎紋金鞞一作

釵辭

中有一雙白羽箭蜘蛛結網生塵埃箭空在人今戰

死不復回不忍見此物焚之已成灰黃河捧土尚可塞  
北風雨雪恨難裁

### 俠客行

趙客縵胡纓吳鉤霜雪明銀鞍照白馬颯沓如流星十  
步殺一人千里不留行事了拂衣去深藏身與名間過  
信陵飲脫劍膝前橫將炙啖朱亥持觴勸侯嬴三盃吐

然諾五嶽倒為輕  
眼花耳熱後意氣素霓生  
救趙揮金槌邯鄲先震驚  
千秋二壯士烜赫大梁城  
縱死俠骨香不慙世上英  
誰能書閣下白首太玄經

御定全唐詩卷一百六十二